



POTENTISSIMO ET SERENISSIMO
 LUDOVICO CAROLO BORBONIO,
 EUGARUM COMITI,
 REI TORMENTARIÆ PRÆFECTO,
 AQUITANIÆ PROREGL.



QUÆSTIO MEDICA,

*Cardinalitiis disputationibus manè discutienda in Scholis
 Medicorum, die 20 Martii 1721.*

M. FRANCISCO AIGNAN,
 Doctore Medico, Præfide.

An ab animi pathematis functionum læsio?

I.

SANITATEM in æquabili & recto functionum exercitio positam
 contendimus, quæ si ferientur aut lædantur, æger homo, pro vitæ,
 mortem trahit perennem; si planè cessent, irremeabilis calcanda via
 læthi. Vitæ unicum solatium optima valetudo, (a) *ἡ ἀσθέν τοῦ σώματος*, illa est
 cujus præsentia vis corporis & forma constant, cui divitiæ & quæcunque
 apud homines in pretio sunt, inservire necesse est; blandissimum oppidò-
 que divinum bonum & vitæ instar umbræ fugientis exquisitissimum con-
 dimentum. Quid enim insculptâ sanitate optabilius dici vel excogitari

a Aristot. lib. 1.
 Rhetor.

A

potest? nil profectò. Quæ, obsecro, opes vel attalicæ corpus oblectare possunt, dum morborum torturis miserè excruciamur ac tabescimus? cupiunt omnes valere, insunt tamen iis quæ citissimo gradu & recto tramite ducunt ad mortem. Quid agendum, agnoscunt: meliora vident probantque, sequuntur deteriora. Heu adulteratæ mentes! nullum à summo Numine munus concessum præstantius, continuis animi perturbationibus jactati, pro nihilo ducunt: invidiæ, iræ, ambitioni dediti, honoribus divitiisque nunquam satiati, quò plus habent eò ampliùs expetunt. A Poeta Græco longè sentiunt.

Τῷ γὰρ οὐδὲν ἢ ἀλλοτρίῳ ἔστιν:

Τὸ δὲ δούτεσι, καλὸν ἡδύναμι

Τελὸν δὲ τοῦ πολυτοῦ ἀδύναμι (α)

a Apud Platon.
Ito. 6. de Repu-
blic.

Non minus à Menandri abhorrent sententiâ:

Οὐκ οἷον ὕμνος κριτῶν εἶναι οὐ βίη.

Quis jam de sanitate tuendâ sapienter sollicitus? bonorum jacturis & fortunæ ludibriis illæsus: felix quem vita umbratilis à curis adulatorumque blanditiis amover, & rebus in arduis non secus ac bonis mentem æquam servare monet. Non semper sævit dirus Aquilo, sedatisque tempestatibus cælo sereno sit tandem æquor tractabile. Felicitas una rectè valere; quidquid itaque eam turbare potest procul rejicias? fugaces labuntur anni & qui terræ munere vescimur, omnibus manet enaviganda tristis Acherontis unda, lustrandaque sunt Plutonia regna. Proh dolor! Exortis ex constitutione aëris & tempestatum alimentorumque vitio morbis ineluctabilibus, indefinenter objici! motos præstat fluctus componere eisque occurrere. Suâ sorte contentus quisque vivat, præsentibus gaudeat; divis cætera permittat, quid sit futurum crâs quærere securus. Licet votis non faveat injusta & inconstans Fortuna, repulsâ nequiciæ sordidæ virtus, intaminatis honoribus fulget; invidetur, non alget.

Rebus angustis animosus atque

Fortis appare: sapienter idem

Contrahes vento nimium secundo

Turgida vela.

II.

DUPLICI parte constat omne vivens solidis & fluidis: tertiam homini à conditore insulam ratio demonstrat; hæc à corpore toto genere discreta, ἡ δὲ Græcis, nobis verò anima. Vivunt & officio ritè defunguntur bruta; functionesque hac postremâ parte destituta debite obeunt. Jugi & æquabili fluidorum circuitu vegetant, nutriuntur, tenduntur, relaxantur partes solidæ. Motum omnem, impetum & εὐρίπνεον à liquoribus deducto: solida ex se inertia, fluida verò quietis impatientia. Unde tam vecors innovandi libido? quâ auctoritate, quâve ratione solidorum vires fluidorum viribus longè præpollere asseritur? in tempestivam mitte verecundiam; ob oculos, quæ majori fruuntur elaterio, habeto; Plantæ & arbores ex staminibus ligneis seu fibrillis quibus succi elaborantur & deferuntur, musculorum instar dispositis, paralle-

lis, nodosis intersectionibus suffultis, contexuntur, mille modis flectuntur, contorquentur & incurvantur viridescendentes & succis irroratæ; siccifcentes vel levissimo nisu franguntur, scinduntur, Ferrum poris reſeratis & materiæ subtili perviis flexile; candens verò in gelidam immergatur aquam, conſtrictis hiatibus fragile. Quæ factis olim comprobata Medicina, nunc in ſigmenta tota abit. Quidquid moliantur fluida à ſolidis mutare dixeris? non omne tulit punctum qui certis incerta & veris falſa ſubſtituit. Contrahuntur muſculi præſentiâ fluidi, relaxantur deſectû; antagoniſtarum eadem licet oppoſita ratio. Contrahuntur villi tendinei propriâ vi, nullo ſuperveniente fluido? eſto; cur muſculus contractus majorem capacitatem conſequitur? creationis inſtanti contractæ erant partes; quibus quæſo microſcopiis fidem adhibuiſti? aut pro contractione collapſum autumâſti? Fluidorum ſolâ potentiâ fit tenelli embriõis partium evolutio; micat cor, pulſant arteriæ, excernuntur liquores diverſi in propria colatoria; illis inchoata vita procraftinatur & utiles vel individuo vel propagandæ ſpeciei, vulgò recrementa, conſervantur; alii verò inutiles & noxii foras amandantur, excrementa dicta; ſuum ſeorſim ſinguli munus abſolvunt; nec alter alteri nocet. Salivali humore, gaſtrico, pancreatico, bile, alimentorum coctio peragitur; lymphâ, nutritio; ſpiritibus ab ipſâ lymphâ, tenuitate tantùm diſcrepantibus, vigent functiones animales. Quid multa? abſque fluido nulla ſubſiliendi reſiliendique poteſtas. Licet ſolidorum vis, abſque fluidorum interventu fruſtranea; ad juſtum tamen functionum exercitium requiritur priorum apta conformatio; quâ fluentium impetum ſuſtinere queant aut urgentibus obſequi. Ex vicioſâ partium fabricâ in poſteros tranſlatâ, quàm plurimi morbi hereditarij. Sic fibrarum nimia tenſione, melancholia, mania; exoſtoſibus, tuberculis, epilepſis: texturæ pulmonum relaxatione & tenuitate, phthyſis; vaſis articulorum nimium amplis, arthritidis; tubuliſ item uriniferis, calculus; debite conſtitutis liquoribus nec à præſcripto motu deſſectentibus, functiones integræ: citatiùs lentiùſve procedant, ordo & animalis œconomia pervertitur. Quot vicifſitudines tum inſpiſſatione, tum rarefactione experiuntur liquores? Quot itaque mala animi *maligæ* ſecum inferunt. Motuum inordinationes, *ἀνεξέλεγχος*, *ἀνοργάνος*, in fluidis perinde atque in ſolidis; hinc incan-deſcentiæ ſanguinis, febres, inflammationes: hinc ſyncopes, lipothymia. Apertâ pandoræ ciſtâ agitudinum uberrima læges & ilias fluir, affigiturque humi auræ divinæ particula.

III.

RUDIS & indigeſta moles corpus ſine animâ, nec à cæteris animantibus homo, ni eâ inſtructus, ſecerneretur. Spirant pulmones, palpitat cor in brutis, concoquunt, excernunt, vitalibus idèò & naturalibus munitis vacant; ipſis inſtrum inditumque naturale vivendi deſiderium; ad vitæ perennitatem & ſecuritatem alimenta naturæ ſuæ apta idoneaque ſeligunt. Immortalitatis quaſi avida, generant, ſibi que ſimilia

procreant; non semper constanti valetudine fruuntur, remedia inquirunt, urgentibusque morbis praesentanea habent & vitam ulterius protraherent; sed quā tenemur, eādem mortis necessitate obstricta sunt: suo modo gaudent, suo modo quoque furunt, dolent, pavent. Peculiarem mechanicam profitearis? organorum artificium, liquorumque propulsionem & determinationem arguas? ἐν τῇ φύσει aut ὑπὸ νόμον instar moveantur? Dispari ratione naturales & vitales functiones in homine absolvi, caveingas? quosdam populos ab importuno hostium conspectu, interceptā spontē respiratione se liberare fertur; ad alios phaleras, nec inanibus pascimur fabellis. Animi μήμηξ à solā mente pendere quis satis insciens affirmaverit? cur parentum indoles & mores in prolem transferuntur?

Fortes creantur fortibus & bonis

Est in juvenis, est in equis patrum

Virtus: nec imbellem feroces

Progenerant Aquila columbam.

Cut quāso, ad iram, ad hebetudinem proclives ex furibundis, hebetibus oriundi? cur ex lacte nutritio? tot luguntur variae affectiones, quas tollere saepius nemo potest & furcā naturam expellas usque semper recurrit. Tot vitia in animam forsā refundes? injuriā quidē; immortalis enim nullā labe contaminari potest. A corpore potius repetas? nec ideo quod anima operationes suas consequenter ad motiones excitatas eliciat, ob quodvis in corpore delictum plectitur. Perversorum motuum & judiciorum erroneorum aliā conscia; quod animae naturae repugnat. Quo pacto itaque functiones animales eliciuntur? Unionis lex abundē sufficit: eā stabilitā corpus inter & animam, occasione quarundam in corpore motionum certae cogitationes in mente exoriuntur & vice versā. Datur, ut itā dicam, aequilibrium inter utramque substantiam. Mutatur & evertitur pro diversā dispositione atque succorum temperie; undē hominum pro aetatis, vitae generis, dietae, sexūs ratione, regionis, habitationis loco, diversis affectus. Animae cum corpore necessitudinem apprimē designavit hujus aetatis Philosophus posuitque in mutuā & naturali conspiratione, consensu & cognatione idearum animae cum cerebri vestigiis & πνεῦμα nomine motiones à motu inordinato spirituum animalium intellexit. Secūs phreniticorum, maniacorum & somniantium deliriorum causa abdita nec aliā viā explanaretur. Inconcussum sit illud axioma, nihil esse in intellectu quod prius non fuerit in sensu; hāc opinione imbuti Prisci Physici, sed ad animae originem minus attenti, eam alii corpoream effinxerunt, illam alii initio creari & mori, harmoniam, ignem, aërem, aquam, sanguinem ipsum ex atonis conflatum putarunt;

Nunc animum atque animum dico

Conjuncta teneri.

Inter se, atque unam naturam conficere

Ex se.

Is tibi nunc animus quali sit corpore

Et undè

Constiterit, pergam rationem reddere

Diſis.

Principio esse aio perſubilem atque

Minuſis

Per quam corporibus factum conſtare.

IV.

PRÆVIAM dispositionem in cerebro requiri ad imaginationem, judicia & animi *modifica*, jam dilucidè comprobatum. Pro primariâ præcipuâque passionum sede cor plurimi acceperunt. Quot modis sanguinis æquabilitatem in circuitu perturbare possunt, totidem functiones labefactant; variari pro varietate motuum, quis inficias ibit? inæqualem sanguinis circuitum in statu naturali, dices-ne? Ex vasis quidem latoribus in strictiora transineat, non tamen acceletatur aut retardatur. Multiplicantur arteriolæ pro sanguinis per magnam arteriam delati quantitate: æquo pede procedit; plus temporis insumit diutiusque moratur in minutissimis tubulis. Quid mirum? Breve spatium citius percutritur quàm longum; eadem tamen velocitate fluida progrediuntur. Aut citior sanguinis motus aut remissior. Citiore, quâ vi propulsus sanguis latera vasorum feriet? Ruit fluidorum ordo; intensior fermentatio; pulsus vehemens, celer, durus, frequens, inæqualis. Secretiones non uno tenore, perverso prorsus succedent. Neglectis officiorum configurationibus aut ludibrio habito humore analogo transcolabuntur liquores. Stagnationes phlogoses producturæ partes infarciunt; gravati pulmones anhelant. Transpiratio abundantior, aut copiosior sudor. Fermenti stomachalis, bilis succi pancreatici parcius separatio coctioque feriat. Tremula vox, tremula membra; inæquali fluxu spiritus irradiant & vivificant. Maximè mobiles & expediti, impetuque vehementi fibras cerebri tensas & elasticas succutiant: hinc molestæ vigilie, Vibrationibus quasi monitionibus docilis & obsequiosa anima, ideas conformes suscipit; idearum conjunctione prout duæ aut plures fibræ moventur judicia elicit simplicia vel composita. Remittatur cordis motus aut lentescat; sanguinis fluiditas nativa motusque intestinus otiantur. Pulsus debilis, inæqualis, intercisus, formicans, vermicularis. Segniter proterſo sanguine, illa secretionum uberior transpiratio, nulla, aut saltem multum imminuta. Tardeſcit alimentorum digestio perperamque se habet; pro nutritione totius corporis emacratio; bobescunt sensus; solvuntur vires; agrè moventur membra. Per ſe-

xuofas vias & anfractus minutissimorum vasculorum pervasurus sanguis, diametris tubulorum molculas ampliores offerendo eadem quâ defertur quantitate non redux, distenduntur vasa; comprimitur universa moles cerebri vasculosa & glandulosa; atonæ flaccescunt fibræ torpentibus spiritibus importunus obrepit somnus; non vivida imaginatio, lenta & tarda memoria, debile iudicium. Quid fatiscunt functiones animales. Expositorum symptomatum causam & originem inquiris? hæres? adesum paulisper, ignoras quid possint, quidve ferre reculent animi perturbationes? ad sensationes jure referri possunt intentiora animi *παθήματα*, nec differunt à sensationibus cæteræ mentis operationes, nisi quod illæ à motu spirituum placido lenique fibrarum succussione excitentur: aliæ verò vehementiori spirituum agitatione & fortiori fibrarum vibratione producantur. Sensationibus itaque conferantur tepiora aut fortiora animi *παθήματα*, vi siquidem eadem velocitate & impetu spiritus aguntur & propelluntur, fibræque cerebri pari succussionum numero quassantur. Sensationes vel externæ & ab objectis ambientibus, vel internæ, & internâ commotione promoveri notum. Ritu consimili animi perturbationes prodire, rationi consentaneum.

V.

MUTUUS consensus, mutua functionum conspiratio: unâ offensâ quasi per sympathiam subiliunt cæteræ & privato infortunio compatiuntur. Nervorum liquorumque communio. A statis muneribus simul desciscunt; nec nisi actû aut poten iâ suis defungantur officiis, stat actionum integritas. Quàm misera quantumque lugenda mortalis hominis conditio; firma, valida optimèque constituta sunt solidarum partium stamina, ordine & symmetriâ sibi exactè respondeant, inutilem apparatus exhibebunt, brevi dejicientur in horasque mutabuntur. Sanguis licet quantitate non exuperans, sed rarefactus vasa prætermo- dum distendet, aut citatiori motu adactus turbas ubique & dissidia suscitabit, aut lentè acto concidit solidorum mutuatum à fluidis portentosum robur & evanescit. Quid igitur timendum præstant intensiora animi *παθήματα*? quibus tantam inesse potentiam funesta cautèque vitanda comprobant experientia. Homines meditabundos videas infelicio- ris valetudinis; ægrorum turbam densissimè coagmantant luxu perdit, in scorta furentes, in aleam insanientes, temulentia vesani & quos torquent scelerati affectus aut perdunt cupiditates. Vim maximam habent animi perturbationes, non solum corpus à naturali statu in mor- bum conjiciunt, sed & repentinam mortem interdum afferre queunt, quæ prius tranquille & pacatè peragebantur mox commoventur & tur- bantur. Immodicâ adventante lætitiâ, nimis hærendo objecto, nec aliò derivatis spiritibus, serpit malum, medullis insiguit, ad cor usque pervadit venenum, seditiosos motus ubique dispergit & mortem

7

nonnunquam accelerat. Lætitæ affectibus affinis est ira, ignescente duris ardet ossibus dolor, crescunt animo discordiæ, acerbis oculis ignis micat, stillant minaces, vix se sedibus retinent, torvus aspectus, & quem invasit illa mægera, violentus, audax, ferox, mutus sui que dissimilis:

*Ora tument irâ, nigrescunt sanguine vena,
Lumina gorgone sævius angue micant.*

incandescit sanguis, claustra perrumpit, tumultuantur spiritus, permixti humores separantur, transcolantur, in contrarias quandoque leinduntur partes; mens licet intacta & integra, uti percussa cernitur, corporis motionibus obsecundat, & strictam utriusque necessitudinem apertissimè declarat. An rectum fiat functionum exercitium, spiritus debite influant, æquabiliter propellatur sanguis, deviantesque succos ad pristinum statum reducere faciliè, te sub iudice lis sit. Febres diarias accendit ira, & si adsit cacochymia, putridas. Inopinatas subitaneasque mortes accersit. Quem urit effrenis amor, vulnus alit venie taciturneque vivit sub pectore, progressus calor labefacta currit per ossa, in corde horrent sagittæ, illas evellere arduum, occultus inspiratur ignis fallitque veneno, latius serpit mali contagium, calorem immodicum per artus disseminat, pulsus inæqualis, modò celer, modò tardus; hebescit universum genus nervosum, muscoli omnes influxu, quo debebant continuò roborari, defraudantur, nec uno respectu valedudini officit; emaciatio, colliquatio, tabes, mors. Quantà curâ nascenti vesano amori fortiter obstandum ex sequentibus deprecas:

*Nec Veneris, nec tu Vini capiaris amore
Uno namque modo Vina Venusque nocent
Ut Venus enervat vires: sic copia Bacchi
Et tentat gressus debilitatque pedes*

*Denique cùm mentes hominum furiarit uterque
Et pudor & probitas & metus omnis abest.*

Non minora exitia minatur metus; frigidus horror quatit membra, concretusque sanguis coit formidine, gelidus sudor manat è corpore, vox faucibus hæret, fugit color, auferuntur vires, ferè exanimem relinquit quem tergit metus, mentem obnubilat, facultates animales perturbat, omnibus sensibus internis externisque ruinam intentat, viriat & inficit cunctas actiones, vis imaginatrix læditur, canitiesque præmatura senectutem præcipitat: febres ex humorum commotione, morbi que diuturni, ut epilepsia, oriuntur. Vita ipsa extinguitur. Invadit tristitia; postequitem sedet, æratas scandit naves, intimioresque penetrat recessus, humorum diathesim destruit, insignemque melancholiæ proventum exag-gerat. Nec tardiosâ enumeratione affectuum animæ ulterius immorabor;

eorum liquidem effectus pensitando ad superiores aut jam expositos referas. Quis enim sanæ mentis intensiora animi *pathemata* functionum integritati insensibilissima esse negabit? humani corporis fabricam ignorabit, liquorum scaturiginem, motum, distributionem, usum non sapiet; nec unde sanitas, unde morbus habebit. Beatus itaque terque beatus *animus* quem non torquet ambitio, avaritia non regit, nec iræ & amoris procellæ exeruciant, immò vacuus & liber ab omni perturbatione animi.

Ergo ab animi pathematis functionum læsio.

Proponebat Parisiis ANDREAS-JOSEPHUS SERON,
Parisiensis, Baccalaureus Medicus, A. R. S. H. 1721.
à sextâ ad meridiem.